

आकाशवाणी

1. प्रधानमंत्री नरेन्द्र मोदी होरें आखेआ ऐ जे मझाटले तबके दियां आसं—तांगां राष्ट्र दी तरक्की गी नमी रफतार देआ करदियां न।
2. भारती रिजर्व बैंक अपनी मौद्रिक नीति समिति दी बैठक च लैते गेदे फैसलें दा अज्ज ऐलान करोग।
3. कर्मचारी भविष्य निधि संगठन नै चालू माली बरें च हूनै तगर 5 करोड़ शा मते दावें दा नबेड़ा कीता ऐ।
4. भारत नै बंगलादेश च प्रदर्शनकारिण आसेआ शेख मुजीबुर रहमान हुंदे आवास गी तबाह करने दी सख्त निंदा कीती ऐ।
5. अमरीका दे राष्ट्रपति डॉनल्ड ट्रंप होरें अंतर्राष्ट्रीय अपराध अदालत—आईसीसी पर प्रतिबंध लाने कन्नै सरबंधत कार्यकारी हुकमै पर दस्तखत करी दित्ते न।
6. नौमी एशियाई स्यालु खेड़दां 2025 अज्जै थमां चीन दे हारबिन शैहरा च शुरू होआ करदियां न।

<><><><><>

PM

प्रधानमंत्री नरेन्द्र मोदी होरें देश दे विकास च मझाटले तबकें दी भूमका दी सराहना कीती ते गलाया जे उंदियां आसां—तांगां राष्ट्र दी प्रगति गी गति देआ रदियां न। कल राज्यसभा च राष्ट्रपति हुंदे अभिभाषण उपर धन्नबाद प्रस्ताह उपर बैहस दा परता दिंदे होई प्रधानमंत्री होरें मझाटले तबकें दे हत्थें च मता घन देइयै उनेंगी सशक्त बनाने दे सरकार दे फैसले पर लोह पाई। मोदी होरें गलाया जे देश च नमां मध्यम—वर्ग उमरादा ऐ ते उंदी सरकार इस वर्ग दे विकास लेई पूरी चाल्ली तैआर ऐ। उनें गलाया जे 25 करोड़ लोकें गी गरीबी थमां बाहर आन्नेआ गेआ ऐ, जेहड़ी उंदे लेई गर्व दी गल्ल ऐ। उनें गलाया जे बीजेपी दे नेतृत्व आली एनडीए सरकार दा विकास मॉडल “राष्ट्र पैहले ऐ”, जेहड़ा तुष्टिकरण दी थाहर संतुष्टी उपर केन्द्रित ऐ। प्रधानमंत्री होरें गलाया ऐ जे लोकें इस मॉडल गी परखेआ, समझेआ ते फही समर्थन दित्ता ते इससै लेई उंदी सरकार गी त्रीए बारी जनादेश दित्ता गेआ।

<><><><><>

R.S. Motion of Thanks

संसद दे दौनें सदनें दी सांझी बैठक च राष्ट्रपति हुंदे अभिभाषण पर धन्नवाद प्रस्ताव पर चर्चा अज्ज राज्यसभा च शुरू होई जेदे च प्रधानमंत्री होरें बी बैहस दा परता दित्ता। परते च मोदी होरें आखेआ जे स्हाडी सरकार दी सोच ते नजरिया नेशन फर्स्ट ऐ ते मुखै दे हित कोला बधियै कोई हित नेही होई सकदा। मोदी होरें आखेआ जे इससै आदर्श गी ध्यान च रखदे होई सरकारै देशहित च सब्बै फैसले लैते न। उनें आखेआ जे भ्रष्टाचार स्हाड़े मुखै गी खोखला करा करदा हा ते इसी दना बर्दाश्त नेई करने आहला रौ अपनाइयै असें भ्रष्टाचारिण पर नकेल कस्सी ऐ। उनें आखेआ जे पैहले गुज्ज दित्ते विजन कोई इक लसैस, नेही हा बनोआई सकदा। तोआई, लसैस विजन कोई कम्प्यूटर तगर नेही हा खरीदी सकदा ते अज्ज बच्चे—बच्चे दे हत्थे च कम्प्यूटर ते लैपटॉप ऐ। गल्ल—गल्ल पर विरोध प्रदर्शन करने आहली कांग्रेस दी सख्त नुखाचीनी करदे होई मोदी होरें आखेआ जे कांग्रेस लोकें दिण अक्खीं पर पट्टी बनिनयै, अपनी सियासत चलाने दा कम्म करदी रेही। इक परिवार दे अलावा कुसै होर दी भलाई बेहतरी बारै किश नेही हा सोचेया जंदा, पर अज्ज हर आम आदमी दी भलाई—बेहतरी गी सरकार नै अपना आदर्श ते लक्ष्य बनाए दा ऐ। कांग्रेस नै संविधान दे निर्माता बाबा साहेब भीम राव अम्बेडकर होरें गी कदें सम्मान नेई दित्ता सगुआं उंदे खलाफ गुज्जियां साजशां रचदी रेही। कांग्रेस नै अउसी महान व्यक्तित्व गी भारत रत्न दित्ते जाने दे बारै च नेही सोचेया ते अज्ज मजबूरी च उसी जय भीम बोलना पवा करदा ऐ। प्रधानमंत्री मोदी होरें अगे आखेआ जे कांग्रेस हर मुद्दे गी लटकाने, टरकाने ते टालने दा कम्म करदी रेही, भाए ओह कोई महत्वपूर्ण परियोजनां होइयां होन जां फही देश दे हितै च फैसले। पर असें कदें कम्म टालने च यकीन नेही रक्खेआ ते देश ते देशै दे लोकें दे हितै च दलेरी आहले ते सख्त फैसले लैने च बी संकोच नेई कीता।

<><><><><>

RBI MPC Meet

भारती रिजर्व बैंक अपनी मौद्रिक नीति समिति दी बैठक च लैते गेदे फैसले दा अज्ज ऐलान करोग। लगभग 5एं बरें दे वकफे परैन्त ब्याज दर च 25 बुनियादी अंकें दी कटौती दी मेद कीती जा रदी ऐ। रिजर्व बैंक दे नमैं गवर्नर संजय मल्होत्रा होरें अपनी

मौद्रिक नीति समिति दी त्र'ऊं ध्याडें आहली बैठका दी अध्यक्षता कीती। ओह अज्ज बड़लै 6एं सदस्यें आहले पैनल दे फ़ैसले दी घोषणा करडन। भारती रिजर्व बैंकै पिच्छली बारी मई 2020 च रेपो दर च 40 बुनियादी अंकें दी कटौती करियै उसी 4 फीसद करी दित्ता हा, तांजे कोविड महामारी ते ओहदे बाद लॉकडाउन करी प्रभावत अर्थबवस्था गी संकट थमां बाहर आहन्नेआ जाई सकै। पर, मई 2022 च आरबीआई नै रूस-यूक्रेन जंग गी दिक्खदे होई रेपो दर च बाददा शुरु कीता पर मई 2023 च इस पर रोक लाई दित्ती गई ही। केई शोध रिपोर्टें, उद्योग ते बपार मंडलें दस्सेआ जे नीति दर च 25 बुनियादी अंकें दी कटौती करियै इसी 6 इशारिया 2-5 फीसद करने दी बड़ी मेद ऐ।



Mandaviya EPFO

कर्मचारी भविष्य निधि संगठन नै चालू माली ब'रे च हूनै तगर 5 करोड़ शा मते दावें दा नबेड़ा कीता ऐ। श्रम ते रोजगार मंत्री डॉक्टर मनसुख मांडविया होरें कल आखेआ जे माली ब'रे 2023-24 च 4 करोड़ 45 लख दावें दा नबेड़ा कीता गेआ हा। उनें आखेआ जे संगठन च कीते गेदे सुधारें करी गै इन्नी बद्ध गिनतरी च शकैतें दा नबेड़ा मुमकन होई सकेआ ऐ। डॉक्टर मांडविया होरें आखेआ जे कर्मचारी भविष्य निधि संगठन अपने सदस्यें गी निविघ्न ढंगै नै सेवां उपलब्ध करोआने लेई नमिएं तकनीकें दा इस्तेमाल करना अगगे बी बरोबर जारी रक्खोग।



Bangladesh

भारत नै बंगलादेश च शेख हसीना मुजीबुर रहमान हुंदे आवास गी उपद्रवीएं आस्सेआ तबाह कीते जाने दी सख्त निंदेआ कीती ऐ। मीडिया दे सुआलें दे परते च विदेश मंत्रालय च प्रवक्ता रणधीर जयसवाल होरें गलाया जे शेख मुजीबुर रहमान होर कब्जे ते उत्पीड़न दी ताकतें दे खलाफ बंगलादेश दे लोकें दे वीर प्रतिरोध दे प्रतीक न। उनें गलाया जे ओह सारें लोक जेहड़े स्वतंत्रता सम्राह गी महत्व दिंदे न, जिनेंगी बंगाल दी पंछान ते गौरव गी उजागर कीता। ओह बंगलादेश दी राष्ट्रीय चेतना लेई इस आवास दे महत्व बारे जानकार न। जयसवाल होरें गलाया जे इस बरबरतापूर्ण घटना दी सख्त निंदेआ होनी लोड़चदी।



Trump ICC Ban

अमरीका दे राष्ट्रपति डॉनल्ड ट्रंप होरें अंतर्राष्ट्रीय अपराध न्यायालय-आईसीसी पर प्रतिबंध लाने कन्नै सरबंघत कार्यकारी हुकमै पर दस्तख्त करी दित्ते न। हुकमै च अंतर्राष्ट्री अपराध न्यायालय पर अमरीका ते ओहदे नेड़मे सैह्योगी मुख्य इस्त्राइल गी निशाना बनाइयै गैर-कनूनी ते बेबुनियाद कार्रवाई करने दा आरोप लाया गेआ ऐ। हुकमै च आखेआ गेआ ऐ जे उ'नें लोकें ते उ'दे परोआरें पर माली ते वीजा सरबंधी बंदिश लाई जाहग जेहड़े अमरीका ते ओहदे सैह्योगी मुख्य दे बसनीकें दी आईसीसी जांच च मदाद करदे न। ट्रम्प हुंदे हुकमै च आखेआ गेआ ऐ जे अमरीका जां इस्त्राइल, आईसीसी दे अधिकार खेत्तर हेठ नई आँदे न। हुकमै च इब्बी आखेआ गेआ ऐ जे आईसीसी नै दौनें मुख्य खलाफ अपनी कार्रवाई राहें इक खतरनाक मिसाल कायम कीती ऐ। अमरीका ते इस्त्राइल नां ते आईसीसी दे मैम्बर न ते नां गै एह दौनें मुख्य आईसीसी गी मान्यता दिंदे न। अंतर्राष्ट्रीय अपराध अदालतै पिच्छले ब'रे नवंबर च गाजा च कथित युद्ध अपराधें गी लेइयै नेतन्याहू हुंदे खलाफ गिरफ्तारी वरंट जारी कीता हा। अदालतै हमास कमांडर दे खलाफ बी वारंट जारी कीता हा। अक्तूबर 2023 च हमास दे हमले दे बाद इस्त्राइली फौज दी कार्रवाई च जहारां बद्धे फलीस्तीनी मारे गे हे।



Surajkund Mela

अज्ज फरीदाबाद च 38में अंतर्राष्ट्रीय शिल्प मेले दा शुभारंभ होआ'रदा ऐ जेहदे च शिल्पकारी, संगीत, रंगे ते कला सांस्कृतिक दा अनोखा प्रदर्शन होग। केन्द्रीय सैलसफा ते संस्कृति मंत्री गजेन्द्र सिंह शिखावत होर इस मौके मुख्य पराहने होंगन ते कार्यक्रम दी प्रधानता हरियाणा दी मुख्यमंत्री नायब सिंह सैनी होर करगन।



Pak Kumbh Devotees

पाकिस्तान दे सिंध सूबे दे 68 हिन्दू श्रद्धालुएं दा इक दल कल प्रयागराज पुज्जा ते संगम च पवित्र चलोबी लाई। उत्तर प्रदेश दे सूचना विभाग नै दस्सेआ ऐ जे इ'नें श्रद्धालुएं गंगा, जमुना ते सरस्वती दे पवित्र संगम पर धार्मिक अनुष्ठान कीते ते पूजा-अर्जना बी कीती। दल दे कन्नै आए दे महंत रामनाथ होरें आखेआ जे एह श्रद्धालु पैहले हरिद्वार गे ते महाकुंभ औने थमां पैहले अपने पूर्वजें दिआं अस्थियां विसर्जित कीतीआं। मीडिया कन्नै गल्लबात च श्रद्धालुएं इस महाकुंभ च शामिल होने गी लेइयै तेज रफतार कन्नै बीजा जारी करने लेई भारत सरकार दे प्रति आभार व्यक्त कीता। श्रद्धालुएं महाकुंभ दे आयोजन दी सराहना कीती ते बक्ख-बक्ख शिविरें च जाने ते केई धार्मिक गुरुएं कन्नै मिलने दे जोश गी सांझा कीता। उनें मेद जाहूर कीती जे भारत सरकार पाकिस्तान दे श्रद्धालुएं गी बीजा दिंदी रौहग।

<><><><><><>

Rajnath

विश्व टेबल टेनिस सिंगापुर स्मैश च भारत दी पैहले नंबर दी मर्दे दी जोड़ी आले खडारी मानव ठक्कर ते मानुष शाह अज्ज क्वार्टर फाइनल च चौथी वरीयता आली फ्रांस दी जोड़ी आले खडारी फ्लोरियन ते एस्तेनान होरें कन्नै मकाबला होग। भारतीय जोड़ी नै हांगकांग दे वान-चुंग-टिंग ते गी-कवान-टी दी जोड़ी गी कल 3-0 कन्नै हराइयै क्वार्टर फाइनल च अपनी थाहर पक्की कीती ही।

<><><><><><>

Dr. Jaishankar

विदेश मंत्री डॉ. एस.जयशंकर होरें शंघाई सैहयोग संगठन एससीओ दे महासचिव नुरलान यरमे कबायेब हुंदे कन्नै दिल्ली च मलाटी कीती ते उनेंगी चंदी नमी जिम्मेदारी आस्तै बघाई दित्ती। इक सोशल मीडियो पोस्ट च विदेश मंत्री होरें आखेआ जे उनें एससीओ च भारत दे कम्म ते सुरक्षत एससीओ दे निर्माण पर चर्चा कीती ऐ।

<><><><><><>

CM Budget JK

मुख्यमंत्री ओमर अब्दुल्ला होरें जम्मू-कश्मीर लेई लोकें दे अनुकूल बजट पेश करने दी अपनी सरकार दी वचनबद्धता गी पक्का करदे होई इस गल्लै उप्पर जोर पाया ऐ जे बजट तैयार करने दी प्रक्रिया च लोकें दे नुमाइंदें दी शमूलियत कन्नै लोकें दिए आसैं-तांगें गी जकीनी बनाया जाई सकोग। आकाशवाणी दे जम्मू संवाददाता दी रिपोर्ट मूजब, जम्मू आहले सिविल सैक्रेटेरिएट च बजट शा पैहले आहले सलाह-सुत्तर सरबंधी बैठकें दी प्रधानता करदे होई मुख्यमंत्री होरें आखेआ जे इ'नें बैठकें दा मकसद, बजट तैयार करने शा पैहले प्रमुख सरबंधत घड़े थमां चंदे सुझास हासल करना ऐ। इस बैठका च अनंतनाग, बडगाम, कटुआ ते सांबा जिलें दे विधायकें ते जिला विकास काउंसल दे अध्यक्षें वीडियो कांफ्रेंस दे राहें हिस्सा लैता। ओमर होरें आखेआ जे विधायकें ते जिला विकास काउंसल दे अध्यक्षें दे विचार ते सुझास, औने आहले बजट गी आकार देने च महत्वै आहली भूमिका निभाउन।

<><><><><><>

Read: Kunal Shrivatsa

Stand By: Shruti Khajuria

Editor : Ashok Kumar Mota

D.E.O. : Mukesh Gupta

Skilled : Rajat